

山西通志卷第二十五

山西巡撫都察院右副都御史臣覺羅石麟奉

旨修輯

山川九

遼州

太行山 州居絕頂誌此以槩之

驚峯在州東一里

遼陽山在州東三里高二里盤踞三里形似孤塚後魏以山

名縣上有遼陽山神廟遺址 齊文宣嘗從世宗行過遼

陽山獨見天門開餘人無見者 天保十年甲寅帝如遼

陽甘露寺二月丙戌帝於甘露寺禪居深觀惟軍國大政

奏聞三月丙辰至自遼陽 琅邪由吾道榮有道法齊顯

祖追往晉陽至遼山中有猛獸去馬十步所追人驚怖將走道榮以杖畫地成火坑猛獸遽走

東雲山在州東十里州巨鎮也高峯茂林雲興則雨上有石岱巖建殿閣俯視行人如蟻

甕洪山在州東十里有棲真洞 甘泉谷似甕形林木茂美

呂祖洞在州東十里

紫陽山在州東三十里山麓紫陽村後有七龍洞一名紫羊相傳羊入山洞中出則毛色盡紫洞頂水絲石乳流淌禱

雨輒應

箕山在州東六十里唐以山名州有許山洞洗耳泉其上有

石室壁中文字人莫能識 金志遼山有箕山清谷水世

栖傳許山伯益棲此山 左傳先軫敗狄於箕卽此 箕

山在登封縣東南三十里一名許由山有墓在焉又許由
隱沛澤之黃城耕于箕山之下沛澤卽漢之沛而黃城則
登封西南之負黍亭也馮衍顯志賦求善卷之所在遇許
由於負黍京相璠曰成陽西南二十七里世謂黃城魏地
形志洛州陽城郡陽城縣有少室山嵩高山許由墓康城
分陽城置有箕山許由隱窟乃古所謂箕山之陰許由冢
也山西諸志多涉傳會

許由洞在箕山

五指山在州東七十里峭勢壁立山麓西五指村有西五指
洞山半石壁有仙人掌五指跡

轉鞍嶺在州東八十里

摩天嶺在州東九十里

十八盤在州東百二十里

觀音巖在州東王家莊山半憑閣殊覺奇秀

千畝原在縣東南三十里懸崖絕壁山半有龍洞有千畝泉
周宣王二十九年戰於千畝明一統志千畝原在遼州
土門嶺在州南三十里兩峯對峙如門

翻轅嶺在州南三十里

高歡洞在州南四十里有石室高歡行營嘗憩此洞前有高
歡橋洞內有石室石牀偕晉陽龍山胥避暑地也

武軍山在州南七十里武軍寺村數峯峭立高千餘仞山
以骨勝而此尤矯武不屈

崑山在州西三里四時蒼翠西脅有昭懿泉

石佛洞在州西七里中有石佛

紫金山在州西十里上會村上時有紫氣

武鄉嶺在州西四十五里舊隸武鄉地

莊峻嶺在東北一百十里

鬼谷通典遼山縣東北有鬼谷

漳水繇和順入州境起西一百里入賦嶺經州城南一里又東至上下交漳村合東漳水流入黎城境東注河南磁州入臨清水經注清漳又西南與轅水相接轅水出轅河縣西北轅山南流逕轅河縣故城西南東流至粟城注於清漳也

東漳河源出和順石猴嶺西南流經州東七十里而南至交

漳村合西漳

按石猴嶺當卽轅山遼山縣當卽轅河縣之省筆

明一統志漳水源

有二一自和順縣西儀城流經州南一里而東一自和順

縣石猴嶺流經州東七十里而南至交漳村二水合流入潞州黎城縣界

洺河源出遼州太行山經武安三門達紫山北二流雙導滙而爲一東流雞澤入寧晉泊 洺河在廣平府北二十里枯河 無本暴雨輒經州城東

甘泉在州東十里甕洪山

溫泉在州東七十里沍寒時炎氣升五六尺

龍潭在州東八十里深不可測有水獸人不能識土人傳爲海眼

其輦水五朝志遼山有其輦水

太子蓮池在州南相傳梵王太子浴此蓮花湧出

千畝泉南三十里州境多山惟此地廣平千畝四面懸崖絕

壁崖半有泉自石穴中湧出傾注似素練聲似雷
近寒輒凝爲冰柱禱雨輒應因建祠焉唐加號通利侯明賜號千
畝靈泉之神

昭懿泉在崑山西腋以昭懿聖母祠名

谷駝泉在州西默昭寺後港

老鸛泓在石匣村西五里近寒冰合內有樓臺寺塔形
徐水五朝志平城有徐水

和順縣

仙人洞在縣東十五里內有樂聲

合山在縣東四十里山勢盤踞松栢鬱茂下有卽君娘子二
泉泉上建祠勅賜額曰懿濟聖母顯澤侯

馬嶺洞在縣東六十里山象新月內有洞入洞轉南用梯上

又有洞內容千人有石佛禱雨多應

虎谷在縣東六十里 王雲鳳虎谷十八詠厚德山注石門
峽前山名門樓纏極高且險登雲嶺雲鳳未第時過林嶺
假寐土地廟前夢土地神曰此登雲嶺也又有筆峯山南
虎谷黃榆嶺又有新泉南虎谷水

印臺山在虎谷前

門樓纏在虎谷

南虎谷在虎谷南有水

筆峯山在虎谷

登雲嶺在虎谷一峯突兀

黃榆嶺在縣東七十里南連清風嶠北連馬嶺王雲鳳曰梁
餘之東山南接太行 榆嶺傍峭壁際天中有懸泉如玉

柱下漚巨澗 王世貞曰將入黃榆度水門峽最逶迤險絕處也

夫子嶺在縣東百里有宣聖廟

武鄉嶺在縣東層累而上有龍神祠近漳水之源

鹿苑原在縣東相傳爲趙襄子養鹿之所

首陽山在縣東南四十里許叔重言首陽在遼西或曰卽和順東首陽山也山北日光照恒晚里名西陽

石鼓嶺在縣南三十里有石似鼓

黑壁洞在縣南四十里北山

堯神岡在縣西南四十里嶺有堯廟

雲龍山在縣西三里有石井雷音臺

鳳凰山在縣西八里一名鳳臺山勢似孤塚嘗有鳳集此

四縣塹在縣西六十里榆社界

禪隱山在縣西六十里崔巍截嶺繇東南徑蜿蜒入寺形似仰盂有道人泉流爲幽澗西歷危磴有石室名仙人洞

崑山在縣西八十里上有昭濟聖母祠

三尖山在縣西九十里三峰屹峙似山字

八賦嶺在縣西百二十里嶺分二支一名八縛嶺 州志十八盤峙其左八賦嶺踞其右兩山對峙似八字

孫臏坡在縣西百二十里山勢盤曲西接馬陵關道相傳齊孫臏伏兵地

西峪在西峪里西山巖下

九京山在縣西北五里卽九原山相傳趙文子叔向觀此

金志有九原山五朝志和順有九京山

石猴嶺在縣西北四十里漳水源出此一作石堠嶺

麻衣山在縣北五里宋太祖征太原道經此躬祝佛前曰此行只以弔伐爲意誓不殺一人麻衣仙卽相錢若水傳麻衣相法者也上有麻衣古寺石屋

龍泉山在縣北八里層巒疊嶂凌空構壽聖寺山右之陽有龍泉雙液潺湲尤甘潔所謂北泉也泉下有新月沼西有浴浪橋山東有噴珠潭左有射斗峰盤旋上陟有凌雲松伏鸞邱環拱山前有紫衣屏

松子嶺在縣北三十里嶺勢崎嶇亘二十里有奇有古關南尖峰在縣東北一峰突起下有花兒坪

鷗王崖在縣東北石崖嵯岬鷗多居巖谷下卽箭溝多虎石城山在石城里山四圍如城郭

獨堆山在獨堆里山堆高聳巋

漳河在縣西北六十里有三一出八賦嶺流經襄垣合濁漳
一出縣北一出縣南分流經城下至縣東合流入遼州境
水經注清漳水又南得梁榆水口水出梁榆城西大嶧
山有二源北水東南流逕其城東南注南水南水亦出西
山東逕文當城北又東北逕梁榆城南卽閼與故城也秦
伐韓閼與惠文王使趙奢救之奢納許歷之說破秦於閼
與謂此也司馬彪袁崧郡國志竝言涅縣有閼與聚廬謀
征艱賦曰訪梁榆之虛郭弔閼與之舊平桓亦云閼與今
梁榆城是也其水又合北水又東南入於清漳

萬水泉源出縣東六十里合山東流合漳水

海眼泉在縣東六十里園馬平村一名清河泉是甘冽清字

詩萬斛明珠地湧泉茶經應載品通仙

永神水在縣東七十里源出涉河峪北流經樂平縣東南入
十里水神谷合沾水一作水深水

新泉在虎谷內 明正德八年忽有泉湧出故名

溫泉在縣東南四十里溫泉里冬不冰

石井在縣南十里白潭村村昔無水有異人指曰此石下有
水鑿深三丈石底泉湧一鄉利賴

石公泉在縣南六十里源出合山之東南流合漳水

武鄉水源出縣西南百里孫牘坡南流經榆社武鄉縣界

明一統志武鄉水在和順縣西南來自武鄉縣經榆社縣
流入縣界於地勢不合

西溪水在雲龍山椒泉有三冬夏不涸南崖下凝冰重結六

月不消

小漳水在縣西百里源出八賦嶺流經榆社縣合黃花嶺水至武鄉縣西五里合涅水至襄垣縣東北三十五里合濁漳

梁榆水源出縣西儀城石堠嶺流經縣東南合清漳一作梁餘水

飲馬池在西山陰水最清澈相傳石勒飲馬於此

玉津泉在縣東北土人名冰井溝有玉津寺

北寺泉 石穴流出清泚可鑒

白泉在白泉里激瑩似玉

牛村池在牛川村

榆社縣

黑山在縣東二十五里逶迤高十里盤踞四十里東接遼州境
南接清涼山高過羣山多松山下有儀川水有黑山廟
箕山在縣東三十里逶迤高二里盤踞三里相傳箕子始封地
唐箕州治山下有箕城址路史箕箕子之先箕伯之封
小國也春秋猶有箕崇之國姓纂云商之圻內今太原晉
敗狄于箕者杜預謂太原陽邑有箕城是陽邑隋之太谷
後爲骨打都今遼之榆社東南三十里古箕城在遼山與
琅琊益都襄邑異

武鄉嶺在縣東四十里層累而上嶺下卽儀川河原

清涼山在縣東五十里盤踞四十里接武鄉縣脉連太行山
下有藍玉泉

五峰山在縣東六十里逶迤高三里盤踞十里其峰五出

古寨在縣東南三里高三十丈東南胥有澗溝旁有洞

秀容山在縣東南三里縣鎮山也其勢迤邐而西山堂肆

考秀容山在山西遼州榆社縣治東南山下有秀容川

赤山嶺在縣東南四十里土赤一名赤土嶺

車道嶺在縣東南四十里

筆架山在縣南三里通高二里盤踞三里漳水環流

郝壁洞在縣南四十里北山深杳莫測洞口恒閉

堯神岡在縣西南四十里相傳堯巡狩登此

帽盒山在縣西南五十里通高五里盤踞八里形似帽盒嶺

對漳水

石佛洞在縣西七里有石洞三石佛四百八十四

梓荆山在縣西十里高七里盤踞三十里上有梓樹一建梓

嶽大王廟山勢隆巖陡絕上有石室似甕形廣六丈內有梁山伯祝英臺二石像人入室人聲石聲交應名響堂黃花嶺在縣西五十里嶺多黃花漳水經其下

禪隱山在縣西六十里高三里盤踞五十里接祁縣界東南一徑蜿蜒入寺下有道人泉上有仙人洞長老松山下出泉

漫天嶺在縣西六十里高可接天

四縣塹在縣西六十里巔最高俯視祁太谷徐溝太原四縣東有鄧青樹取其枝入水五色畢現且葉繁密則年豐疎稀則年歉乃神木也

黑山寨在縣西北三十五里上有天池

馬鞍山在縣西北五十里通高十五里盤踞五十里接太谷